

LUKA FALETAR,
DELEGAT U DOMU NARODA PARLAMENTA FEDERACIJE BOSNE I HERCEGOVINE

PARLAMENT FEDERACIJE
BOSNE I HERCEGOVINE

PREDSTAVNIČKI DOM
n/r G-din Fehim Škaljić, predsjedavajući

DOM NARODA
n/r G-din Radoje Vidović, predsjedavajući

Na osnovu člana 186. Poslovnika o radu Doma naroda Parlamenta Federacije Bosne i Hercegovine i člana 191. Poslovnika Predstavničkog doma Parlamenta Federacije Bosne i Hercegovine podnosim **PRIJEDLOG ZAKONA O IZMJENI ZAKONA O FEDERALNIM JEDINICIMA (KANTONIMA)** radi njegovog razmatranja i usvajanja po hitnom postupku.

Luka Faletar

PRIJEDLOG

**ZAKONA
O IZMJENI ZAKONA O FEDERALNIM JEDINICIMA (KANTONIMA)**

Sarajevo, decembar 2013.godine

ZAKON

O IZMJENI ZAKONA O FEDERALNIM JEDINICIMA (KANTONIMA)

Član 1.

U Zakonu o federalnim jedinicama (kantonima) („Službene novine Federacije BiH“, broj 9/96) član 12. tačka 5. mijenja se i glasi "5.Prozor-Rama,".

Član 2.

Ovaj zakon stupa na snagu narednog dana od dana objavljivanja u „Službenim novinama Federacije BiH“

OBRAZLOŽENJE

ZAKONA

O IZMJENI ZAKONA O FEDERALNIM JEDINICIMA (KANTONIMA)

I - USTAVNI OSNOV ZA DONOŠENJE ZAKONA

Ustavni osnov za donošenje ovog zakona sadržan je u odredbama člana IV.A.20. (1) d) Ustava Federacije Bosne i Hercegovine prema kojima je Parlament Federacije Bosne i Hercegovine, između ostalog, nadležan za donošenje zakona o vršenju funkcija federalne vlasti.

II - RAZLOZI ZA DONOŠENJE ZAKONA

Općina Prozor-Rama, sadašnji naziv općine „Prozor – Rama“ ima u skladu sa Arbitražnom Odlukom Visokog Predstavnika od 1995.godine i isti se koristi do danas (18 godina) u službenoj korespondenciji, Statutu općine i svim aktima Općine.

Isti se naziv koristi i u nazivima svih institucija, ustanova, preduzeća, ispostava i dr. u općini Prozor – Rama, te i na kantonalnom i Federalnom nivou.

Do 1995.godine naziv općine bio je „Rama“ u skladu sa Zakonom o promjeni naziva općine „Prozor“ u naziv „Rama“ („Narodni list HR HB“, broj 13/94) a raniji naziv općine (od drugog svjetskog rata) bio je „Prozor“.

Kako sadašnji naziv općine „Prozor – Rama“ nije usklađen sa Zakonom o federalnim jedinicama (kantonima) („Službene novine Federacije BiH“, broj 9/96), odnosno sa članom 12. tačkom 5. gdje stoji „5. Prozor“, to se upućuje ova Incijativa Parlamentu Federacije Bosne i Hercegovine da u skladu sa propisanom procedurom pristupi izmjeni pomenutog Zakona u narečenom smislu, da bi se izbjegle moguće nejasnoće ili problemi oko korištenja naziva općine.

III - FINANSIJSKA SREDSTVA

Za provedbu ovog zakona nisu potrebna finansijska sredstva.